



Broj: 05- 391-18/18
Datum: 30.03.2018

Na osnovu člana 69. stav (2) tačka d) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH, broj: 103/14), i člana 14 stav (5) Pravilnika o javnim nabavkama roba, usluga i radova (broj: 04-257/16), na Preporuku Komisije za javnu nabavku, broj: 05-391-17/18 od 29.03.2018 godine, u postupku javne nabavke roba - računara i računarske opreme za potrebe Zavoda za zapošljavanje Brčko distrikta BiH, direktor Zavoda za zapošljavanje Brčko distrikta BiH je donio

ODLUKU o poništenju postupka javne nabavke

Član 1.

Poništava se postupak javne nabavke roba – nabavka računara i računarske opreme za potrebe Zavoda za zapošljavanje Brčko distrikta BiH (u daljem tekstu: Zavod) iz razloga što primljene ponude nisu prihvatljive - član 69. stav (2) tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Sektor za ekonomske poslove i analizu Zavoda.

Član 3.

Ova odluka objaviće se na web-stranici Zavoda www.zzzbrcko.org istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-391-2/18 od 08.02.2018.godine. Javna nabavka je sprovedena putem konkurentskog zahtjeva objavom obavještenja o javnoj nabavci na Portalu javnih nabavki Agencije za javne nabavke BiH.

Procijenjena vrijednost javne nabavke bez PDV-a je 37.385,00 KM.

Obavještenje o nabavci broj:953-7-1-3-3-2 /18 poslato je na objavljivanje dana 12.02.2018 godine a objavljeno je na Portalu javnih nabavki dana 12.02.2018.godine u 9:35 h

Komisija za javnu nabavku imenovana je Odlukom broj: 01-421/18 od 13.02.20018 godine.

Komisija za javnu nabavku dostavila je direktoru Zavoda za zapošljavanje dana 29.03.2018 godine Preporuku za poništenje postupka javne nabavke roba- nabavka računara i računarske opreme za potrebe Zavoda za zapošljavanje Brčko BiH broj: 05-391-17/18 od 29.03.2018 godine.

U postupku ocjene ponuda utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno slijedeće:

- da su ukupno pristigle dvije ponude;
- da su blagovremeno zaprimljene dvije ponude;



- Ponuđač „NETWORK I“ d.o.o.Bijeljina ne ispunjava uslov za kvalifikaciju jer nije dostavio Kopiju Rješenja o upisu u sudski registar ili kopiju Aktuelnog izvoda iz sudskog registra kao dokaz u svrhu ispunjavanja uslova za ekonomsko-finansijsku i tehničku i profesionalnu sposobnost.
- Komisija za nabavku je utvrdila da ponuda ponuđača „COPITRADE“ d.o.o ne ispunjava sve zahtjeve u pogledu opisa predmeta nabavke i tehničkih specifikacija jer je ugovorni organ blagovremeno Izmjenio tendersku dokumentaciju koja se odnosi na tačku 7.tehničke specifikacije koju je objavio 13.02.2018.godine i koju je isti ponuđač preuzeo dana 14.02.2018.godine a ponudu dostavio na neizmjenjenom obrascu tenderske dokumentacije

Nadalje, u postupku ocjene provedenog postupka, direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Iz navedenog razloga, primjenom člana 69. stav (2) tačka d) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 14 stav (5) Pravilnika o javnim nabavkama roba, usluga i radova Zavoda (broj: 04-257/16), odlučeno je kao u dispozitivu člana 1. ove odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Marka Marulića br.1, 761000 Brčko.

Žalba se podnosi u najmanje 3 (tri) primjerka.



DIREKTOR,

Vlado Jevtić, dipl.ecc.

Dostaviti:

- „NETWORK I „d.o.o Potporučnika Smajića br.26 Bijeljina
- „COPITRADE „ d.o.o Njegoševa br.6 Bijeljina
- Sektoru za ekonomske poslove i analizu
- a/a